

UPRAVA BOSNE I HERCEGOVINE ZA ZAŠTITU ZDRAVLJA BILJA

Na osnovu člana 12. stav (4), člana 37. stav (1), člana 65. stav (1) tač. a), b) i m), Zakona o sjemenu i sadnom materijalu poljoprivrednih biljaka Bosne i Hercegovine ("Službeni glasnik BiH", broj 3/05), Uprava Bosne i Hercegovine za zaštitu zdravlja bilja donosi

UPUTU

O NAČINU USPOSTAVE I VOĐENJA SORTNE LISTE POLJOPRIVREDNOG BILJA U BOSNI I HERCEGOVINI

Član 1.

(Predmet)

Uputom o načinu uspostave i vođenja Sortne liste poljoprivrednog bilja u Bosni i Hercegovini (u daljnjem tekstu: Uputa) propisuje se način uspostave i postupak vođenja Sortne liste. U Sortnu listu Bosne i Hercegovine se upisuju sve vrste poljoprivrednog bilja.

Član 2.

(Značenje izraza)

(1) Izrazi upotrijebljeni u ovoj Uputi imaju slijedeće značenje:

- a) "**Sortna lista Bosne i Hercegovine**" (u daljnjem tekstu: Sortna lista) je službena lista sorti poljoprivrednog bilja u Bosni i Hercegovini;
- b) "**poljoprivredno bilje**" su vrste poljoprivrednih kultura koje se svrstavaju u grupe: žita, industrijskog bilja, krmnog bilja, povrća, krompira, voća, vinove loze, aromatičnog, začinskog, ljekovitog i hortikulturnog bilja.

Član 3.

(Nadležnost)

Za formiranje i vođenje Sortne liste Bosne i Hercegovine nadležni su Uprava Bosne i Hercegovine za zaštitu zdravlja bilja (u daljnjem tekstu: Uprava) i nadležni organi entiteta i Brčko Distrikta Bosne i Hercegovine.

Član 4.

(Obaveza objavljivanja Sortne liste)

- (1) Sortna lista se objavljuje u "Službenom glasniku BiH".
- (2) Objavom Sortne liste u "Službenom glasniku BiH" prestat će važiti popisi sorti do tada uspostavljeni kod nadležnih organa entiteta i Brčko Distrikta Bosne i Hercegovine.
- (3) Izuzetno od stava (2) ovog člana, ostaju na snazi pravni propisi nadležnih organa entiteta i Brčko Distrikta Bosne i Hercegovine kojima se uređuju svi postupci ispitivanja sorti poljoprivrednog bilja i obavlja način upisa sorti na sortnu listu.
- (4) Sve izmjene i dopune Sortne liste iz stava (1) ovog člana objavljuju se u "Službenom glasniku BiH".

Član 5.

(Obaveze entitetskih organa)

- (1) Nadležni organi entiteta i Brčko Distrikta Bosne i Hercegovine, će završiti sva ispitivanja i aktivnosti vezana za upis sorti, poduzetih prije objave Sortne liste.
- (2) Nadležni organi entiteta i Brčko Distrikta Bosne i Hercegovine koji su do objave Sortne liste vršili ispitivanja iz stava (1) ovog člana, će ukoliko bude potrebno, zaprimati nove zahtjeve vezane za upis i priznavanja novih sorti, i nakon objave Sortne liste.
- (3) Konačna Rješenja o priznavanju i upisu sorte, donijeta na osnovu zahtjeva iz stava (2) ovog člana, nadležni organi entiteta i Brčko Distrikta Bosne i Hercegovine, dostavljaju Upravi u pisanoj formi.
- (4) Uprava je obavezna prema Rješenjima iz stava (3) ovog člana izmijeniti i dopuniti popis sorti u Sortnoj listi i objaviti prema odredbama člana 4. stav (4) ove Upute.

Član 6.

(Vremensko važenje Upute)

Ova Uputa prestaje važiti stupanjem na snagu podzakonskih akata koji će biti doneseni na osnovu Zakona o sjemenu i sadnom materijalu poljoprivrednih biljaka Bosne i Hercegovine ("Službeni glasnik BiH", broj 3/05) i Zakona o zaštiti novih sorti bilja u Bosni i Hercegovini ("Službeni glasnik BiH", broj 14/10) kojima će se regulirati načini upisa sorti u Sortnu listu i propisi o priznavanju i zaštiti sorti poljoprivrednog bilja u Bosni i Hercegovini.

Član 7.

(Stupanje na snagu)

Ova Uputa stupa na snagu osmog dana od dana objavljivanja u "Službenom glasniku BiH".

Broj UZZB-04-1-50-415-4/10
5. jula 2010. godine
Sarajevo

Direktor
Milad Zeković, s. r.

SORTNA LISTA BOSNE I HERCEGOVINE 2010.

Temeljem članka 12. stavak (4), članka 37. stavak (1), članka 65. stavak (1) toč. a), b) i m), Zakona o sjemenu i sadnom materijalu poljoprivrednih biljaka Bosne i Hercegovine ("Službeni glasnik BiH", broj 3/05), Uprava Bosne i Hercegovine za zaštitu zdravlja bilja donosi

NAPUTAK

O NAČINU USPOSTAVE I VOĐENJA SORTNE LISTE POLJOPRIVREDNOG BILJA U BOSNI I HERCEGOVINI

Članak 1.

(Predmet)

Naputkom o načinu uspostave i vođenja Sortne liste poljoprivrednog bilja u Bosni i Hercegovini (u daljnjem tekstu: Naputak) propisuje se način uspostave i postupak vođenja Sortne liste. U Sortnu listu Bosne i Hercegovine se upisuju sve vrste poljoprivrednog bilja.

Članak 2.

(Značenje izraza)

(1) Izrazi uporabljeni u ovom Naputku imaju slijedeće značenje:

- a) "**Sortna lista Bosne i Hercegovine**" (u daljnjem tekstu: Sortna lista) je službena lista sorti poljoprivrednog bilja u Bosni i Hercegovini;
- b) "**poljoprivredno bilje**" su vrste poljoprivrednih kultura koje se svrstavaju u skupine: žita, industrijskog bilja, krmnog bilja, povrća, krumpira, voća, vinove loze, aromatičnog, začinskog, ljekovitog i hortikulturnog bilja.

Članak 3.

(Mjerodavnost)

Za formiranje i vođenje Sortne liste Bosne i Hercegovine mjerodavni su Uprava Bosne i Hercegovine za zaštitu zdravlja bilja (u daljnjem tekstu: Uprava) i mjerodavna tijela entiteta i Brčko Distrikta Bosne i Hercegovine.

Članak 4.

(Obveza objavljivanja Sortne liste)

- (1) Sortna lista se objavljuje u "Službenom glasniku BiH".
- (2) Objavom Sortne liste u "Službenom glasniku BiH" prestat će važiti popisi sorti do tada uspostavljeni kod mjerodavnih tijela entiteta i Brčko Distrikta Bosne i Hercegovine.
- (3) Iznimno od stavka (2) ovog članka, ostaju na snazi pravni propisi mjerodavnih tijela entiteta i Brčko Distrikta Bosne i Hercegovine kojima se uređuju svi postupci ispitivanja sorti poljoprivrednog bilja i obavlja način upisa sorti na sortnu listu.
- (4) Sve izmjene i dopune Sortne liste iz stavka (1) ovog članka objavljuju se u "Službenom glasniku BiH".

Članak 5.

(Obveze entitetskih tijela)

- (1) Mjerodavna tijela entiteta i Brčko Distrikta Bosne i Hercegovine, će završiti sva ispitivanja i aktivnosti u svezi s upisom sorti, poduzetih prije objave Sortne liste.
- (2) Mjerodavna tijela entiteta i Brčko Distrikta Bosne i Hercegovine koji su do objave Sortne liste vršili ispitivanja iz stavka (1) ovog članka, će ukoliko bude potrebno, primati nove zahtjeve u svezi s upisom i priznavanjem novih sorti, i nakon objave Sortne liste.

(3) Konačna Rješenja o priznavanju i upisu sorte, donijeta temeljem zahtjeva iz stavka (2) ovog članka, mjerodavna tijela entiteta i Brčko Distrikta Bosne i Hercegovine, dostavljaju Upravi u pisanoj formi.

(4) Uprava je obvezna prema Rješenjima iz stavka (3) ovog članka izmijeniti i dopuniti popis sorti u Sortnoj listi i objaviti prema odredbama članka 4. stavak (4) ovog Naputka.

Članak 6.

(Vremensko važenje Naputka)

Ovaj Naputak prestaje važiti stupanjem na snagu podzakonskih akata koji će biti doneseni temeljem Zakona o sjemenu i sadnom materijalu poljoprivrednih biljaka Bosne i Hercegovine ("Službeni glasnik BiH", broj 3/05) i Zakona o zaštiti novih sorti bilja u Bosni i Hercegovini ("Službeni glasnik BiH", broj 14/10) kojima će se regulirati načini upisa sorti u Sortnu listu i propisi o priznavanju i zaštiti sorti poljoprivrednog bilja u Bosni i Hercegovini.

Članak 7.

(Stupanje na snagu)

Ovaj Naputak stupa na snagu osmog dana od dana objave u "Službenom glasniku BiH".

Broj UZZB-04-1-50-415-4/10
5. srpnja 2010. godine
Sarajevo

Direktor
Milad Zeković, v. r.

SORTNA LISTA BOSNE I HERCEGOVINE 2010.